

## Molimo Kapa Mamona?



### SABATHA MANTSIBOEA

#### Bakeng sa Thuto ea Beke ena Bala:

*Lipes. 33:6–9; Mattheu 19:16–22; 1 Petro. 1:18; Baheb. 2:14, 15; Exoda 9:14; Lipes. 50:10.*

**Temana ea Khopolo:** “Ke ka baka leo Molimo O mo phahamisitseng ka ho fetisa, ’me O mo neile lebitso le holim’a mabitso ohle; hore lebitsong la Jesu, mangole ’ohle a maholimong le lefatšeng, le katlase ho lefatše, a khumame, ’me maleme ’ohle a bolele hore Jesu Krete ke Morena, e be tlotliso ea Molimo nate.” (Bafilipi 2:9–11).

**M**olimo H’a senye mantsoe a hlalosa kamoo A nkang lerato la chelete le senyekhe-nyekhe le la matlotlo. Mantsoe A Krete ho mohlankana oa morui, eo, leha a ne a hlhonomolofalistoe ke Molimo, a neng a ipolokela le ho itsetellela seo a nang le sona, a tlameha ho re kenyetisa letsoalo kaofela ha rona: “Sethoto! Ka bona bosiu bona, moea oa hau o tla tlosoa ho oena; joale ntho tseo u li bokeletseng e tla ba tsa mang?’ E mong le e mong ea ipokellelang matlotlo o joalo, ’me ho Molimo ha se morui” (Luka 12:20, 21).

Ho sebeletsa Molimo le ho sebeletsa chelete ke ntho tse sa kopaneng ho hang. U etsa e ’ngoe ea tsona, Molimo kapa mamoma. Ke toro fela ho nahana hore re ka ba le tsona li le peli hobane ho phela bophelo bo takalalitseng ho phakisa ho re latola. Re ka thetsa ba bang, mohlomong le rona, empa eseng Molimo, eo ka le leng re tla tlamehang ho fana ka tlaleho. Re tlameha ho etsa khetho, ’me ha re ntse re tsila-tsila ho feta mona, chelete le lerato la cona li tiisa ho feta moo li tšoereng meea ea rona. Tumelo e hloka ho etsa qeto. Se lokelang ho etsa qeto tsa rona li be bonolo-nolo ke ho talima ho seo Molimo O leng sona, seo A re etselitseng sona, le seo re mo kolotang sona.

*\*Ithute Thuto ea beke ena ho lokisetša Sabbatha sa la 20 Pherekhong.*

## Kreste, 'Mopi

**Bala Genese 1:1; Lipesaleme 33:6–9; Esaia 45:11, 12; Jeremia 51:15; le Johanne 1:3. Ke sefe seo litemana tsee li re bolellang sona ka moo lefatše la maruo le leng monate kateng?**

---

“Ke Kreste ea ileng A ala maholimo, leho etsa metheo ea lefatše. Ke letsoho la Hae le ileng la fanyeha mafatše sepaka-pakeng, le ho khabisa lipalesa tsa naha. ‘Matla a hae a tiisitse lithaba.’ ‘Leoatle ke la hae, o le entse.’ Lipes. 65:6; 95:5. Ke Eena ea ile a tlatsa lefatše ka botle, le moea ka pina. ‘Me ho tsohle tse teng lefatšeng, tse mooeng, tse holimo, o ngotse molaetsa oa lerato la Ntate.’ —Ellen G. White, *The Desire of Ages*, leq. 20.

Matlotlo, ka boona, ha a litšila. Ho fapana le litumelo tse ling, tse rutang hore lefatše la matlotlo ka bo lona le ntho tsohle li mpe kapa li litšila, le hore ke ntho tsa semoea fela tse ntle, Bibe e hlompha lefatše la lintho. Ka holimo ho tsohle, le entsoe ke Jesu ka boena. Joale, ke joang, le ka bang khopo? Ka bomali-mabe, le ka ba joalo, hantle joaloka mpho tsohle tsa Molimo, le ka senngoa la silafatsoa la sebelisetsoa bokhopo, empa sena ha se etse mpho ea mathomo bokhopo. Bibe e lemosa ka tlikefetso le le ho senya ntho tseo Molimo O li entseng lefatšeng lena, empa eseng khahlanong le lintho ka botsona.

Ho fapana le hona, Molimo O hlōtse lefatše la lintho, 'me o batlile hore batho ba Hae ba natefeloe ke litholoana le melemo ea lona: “U tla thabela molemo oohle, oo Jehova, Molimo oa hau, ao neileng oona, uena le ba ntlo ea hao; u thabe, uena, le Molevi le molichaba ea ahileng haeno.” (Deutr. 26:11; sheba le Deutr. 14:26). Jesu ke 'Mopi (Johanne 1:1–3), 'me lefatše ke mohlala fela oa seo A se entseng. Bokhoni ba Hae ba ho qapa bo mo fa hore A bonoe a ikhetha ha ho shejoa bophelo ka bo bona, le ho ba phelang lefatšeng. O tseba boleng ba lintho, ebile O oa tseba hore O re file tsona molemong oa rona, le bakeng sa thabo ea rona. Hape O oa tseba, se etsahalang ha motho a senya mpho tseo, kapa a etsa limpho ele tsona sehlohlolo sa bophelo, ho joalo ka ntho tsohle, li ne li reretsoe ho tlotlisa Molimo.

**Sheba tse ntle tse u pota-potileng tse hlōtsoeng. Le ka mora ho senngoa ke sebe, re ntse re ka bona botle bo ka hare hare ho tse ngata tsa tsona. Ke sefe seo lefatše le hlōtsoeng, ka botle ba lona, se re bolellang sona mabapi le botle ba 'Mopi oa lona?**

## Mora Molimo/Mora Motho

Re le Bakreste, re lumela hore Jesu e n' e le Molimo le motho ka botlalo. Kopano ena ea se halalelang le sa botho e etsa hore a khetholohe mabapi le seo eleng sa bohlokoa lefatšeng le se bohlokoa bakeng sa bosafeleng. Hore re sitoa ho utloisisa kamoo a ka bang le tlhaho e halalelang ea botho haho fetole 'nete ena hantle joalo kaha motho a sitoa ho utloisisa mahlale a etsang sefofane se fofe. "Liphiri tse peli bakeng sa theko e le 'ngoe mona ke sena—bongata ba batho bonngoeng ba Molimo, le kopano ea hlooho ea Bo-Molimo le motho bothong ba Jesu. . . . ha ho letho litšomong le hlollang joaloka 'nete ena ea Molimo-Motho."—J. I. Packer, *Knowing God* (Downers Grove, Illinois: InterVarsity Press, 1973), leq. 53.

Le leng la mabaka a entseng hore Kreste A tle lefatšeng e n' e le ho re bontša kamoo Molimo O leng lerato le ho re khathalla, le kamoo a hlokomelang e mong le e mong oa rona. Ho fapana le ho ba Molimo o thata o hole, joalokaha ba bang ba lumela, Jesu O ile A senola semelo sa 'nete sa Ntate oa rona ea Maholimong. Leha ho le joalo, Satane, o lekile ho arola batho ho Molimo. O lekile ho mo etsa ntho eo eseng motho, a mohlahisa e le ntho e sa re tsotelleng ho hang. O etsa sohle se a ka se khonang, ka sohle seo a ka se fumanang, ho netefatsa hore re tsebe le hoba le maiphihlelo a botle le mohau oa Molimo. Lerato le senyekhe-nyekhe la matlotlo a lefatše, le sebetsa hantle libetseng tsa Satane tseo a fihlelang sena ka tsona.

**Bala Mattheu 19:16–22. Ke sefe seo pale ee e re bolellang sona mabapi le kamoo Satane a ka sebelisang lerato la rona la matlotlo ho re isa hole le Molimo?**

---



---



---

Nahana Jesu ka boeena, Molimo nameng, a bua le mohlanka enoa eo ho hlakileng hore o ne a tseba hore Jesu ha se motho fela. Empa ha etsahalang? A lumella leruohali la hae, lerato la hae la matlotlo, ho mo arohanya le motho oa Molimo ka sebele. Lerato la lefatše le la matlotlo la mo fufatsa hona hoo e itseng leha a ne a koatile, ho koata hono ho ne ho sa lekana ho etsa se nepahetseng. O ne a sa koatela ho arohana le matlotlo a hae (n' a sa koatela ntho'eno). O ne a koatile hobane o ne a lahlehelo ke moea oa hae ka baka la tsona.

**Re ruile kapa re futsanehile, ke joang re ke etsang bonnete ba hore re ba le likamano tse nepahetseng linthong tsa lefatše?**

## Kreste, Mopholosi

Sekoloto ha se tšiea ea leholimo. Empa Adama le Eva ba ile ba etsa sebe, 'me molao o robiloeng o ne o bolela lefu. Ka hona, motho o ile a sala a kolota tokeng e halalelang re ne re chonne, semoeeng re hloka ho phethisoa ka baka la sekoloto seo le ka mohla re ke keng ra se lefa. Lerato la Molimo ho rona le ile la thakhola leano la topollo. Jesu a “beha paneng” bakeng sa rona (Baheb. 7:22). Ke boitsebiso ba Kreste joaloka Mopholosi bo senolang ketsahalo ea theko e fetang tsohle tse kileng tsa e ba teng. Ke sehlabelo sa bophelo ba hae fela bo ka lekanang thko ea ho lefa toka e halalelang. Jesu O lefile mokoloto oa sebe oo re neng re e-na le ona ha toka le mohau li ne li akana sefapanong. Maholimo le lefatše li ne li e-so ka li bona moruo o tsoanang le o sebelisitsoeng ho lefelleng tokollo ea motho. (Baef. 5:2). “Ka ho tšollela letlotlo lohle la leholimo lefatšeng lena, ka ho re fa leholimo lohle ka Kreste, Molimo O rekile thato, lerato, kelello, moea , oa emong le e mong.”—Ellen G. White, *Christ's Object Lessons*, leq. 326.

**Bala temana e 'ngoe le e 'ngoe e be u etsa lethathamo la tseo Kreste A re pholositseng ho tsona: Bakolose 1:13; 1 Bathes. 1:10; 1 Petro. 1:18; Baheb. 2:14, 15; Bagal. 3:13; Tsen. 1:5.**

---

Lentsoe la Segerike tetelestai ho Johanne 19:30 lebitsitsoe lentsoe la bohlokoa ho feta ohle a kileng a buuo. Le bolela “Ho phethehile,” 'me ke puo ea ho qetela eo Jesu A e etsang sefapanong. Phatlalatso ea hae ea mapomela e n'e bolela hore thomo ea Hae e atlehile 'me mokoloto oa rona o “lefiloe ka botlalo.” H'a ka a bua mantsoe ana joaloka ea se nang tšepo empa joaloka ea atlehileng ho lopolla lefatše le lahlehileng. Ho sheba sefapano sa topollo ho senola ketsahalo e fertileng e amanang le bojoale e bileng e tlisang tšepo bokamosong. Jesu O fane ka bophelo ba Hae ho ripitla sebe, lefu, le mesebetsing ea satane hang, A e ripitlela ruri. Sena se bolela hore leha re sa tšoaneloe hakaalo, re lopollotsoe (Baef. 1:7). Ho qekotsa meeka ea topollo ke ho hata sebakeng se halalelang. Kreste joaloka Molopolli ke setšoantšo se tlotlehang ho feta tsohle sa Molimo. Sepheo sa Hae se sehlo-holo ke ho re lopolla. Sena se bontša kamoo a nkang motho kateng, haholo-holo kamoo a boulelang likama tsa Hae le rona. Ha toka e abiloe, Kreste O retelehela ho rona bakeng sa ho bona kamoo re arabelang kateng.

**Nahana ka eona: Kreste O lefile sekoloto, kaofela ha sona, bakeng sa litšila tsohle tseo u kileng oa li etsa. Karabo ea hau e tlameha hoba efe? (See Jobo 42:5, 6.)**

## Molimo O Boulelang

Kopanong ea hae le Faro, Molimo O ile a re, “Hobane ka lekhetlo lena ke tla romela likotsi tsa ka tsohle pelong ea hao, le holima bahlanka ba hao, le holima sechaba sa hao, hore u tle u tsebe hore haho ea tsoanang le 'na lefatšeng lohle” (Exoda 9:14).

**Molimo O ne A bolelang ha a re “haho ea kang 'Na lefatšeng lohle”?**

---

“Ha se ntho e ka etsahalang hore likelello tse fokolang tsa batho li utloisise semelo kapa mesebetsi ea Oa kaho sa feleng. Ho tloha kelellong e bohlale-hlale , ho ea ho e matla-matla e rutehileng haholo, sebopuoana sena se tla lula e le sephiri.”—Ellen G. White, *Testimonies for the Church*, vol. 5, maq. 698, 699. Molimo Ha' na thaka (1 Marena 8:60). O oa nahana, oa hopola, o etsa ntho tseo re sa li utloisiseng. Ho sa khathalehe hore na re leka hakae ho etsa setšoantšo sa Hae ka likelellong tsa rona, Molimo O sala e le Molimo. Ke eena ea entseng thollo e nngoe le e nngoe ea lehloa, boko, sefahleho, le hore motho ka mong a ikhethe, “‘Me haho e mong” (1 Marena 8:60). Ka holimo ho tsohle, Ke 'Mopi, 'me joaloka 'Mopi o ikhetholotse tlhahong ea Hae.

**Ke sefe seo litemana tse latelang li re bolellang sona malebana le kamoo Molimo A fapaneng kateng le tlholeho ea Hae? 1 Sam. 2:2; Lipes. 86:8; Esa. 55:8, 9; Jer. 10:10; Tite 1:2.**

---

Ha re sheba sohle seo Molimo A leng sona, sohle seo a nang le sona, le sohle seo A se etsang, ho'a makatsa hore A ba le ea qothisanang lehlokoa le eena. 'Me e hlile o na le bona, kutloisisong ea hore O tlameha ho kena “tlholisanong” bakeng sa ho fumana lerato la motho. Mohlomong ke ka hona A reng ke Molimo O “boulelang” (Exoda 34:14). Molimo O bopetse batho ho lokoloha, ho bolelang hore re na le khetho ea homo sebeletsa kapa ho sebeletsa eng eng. Ka tsela tse ngata, sena e sale e le bothata ba motho: ho khetha ho sebeletsa melimo e meng, ho sa natsoe hore na ke ea mefuta efe, ho e na le ho sebeletsa Molimo O mong to! O lokeloang ke ho sebeletsoa, Eena ea hlōtseng ea bileng a bile A e-na le maholimo le mafatše. Ke ka hona eleng Molimo O boulelang.

**Na, ho na le eng kapa eng, bophelong ba hao, e hloisanang le Molimo bakeng sa lerato la Hae?**

## Borui ba 'Nete

Re ba Molimo, ka tlholeho le ka topollo. 'Me ha re ba Molimo fela, le tsohle tseo re nang le tsona ke tsa Hae. Rona, ha ho letho leo re nang le lona haese khetho tsa rona qha! Ho fapana le hona, tumelo e teng ea bo-lefatše ke ea hore ntho tseo re nang le tsona ke tsa rona. Empa hona ke thetso fela. Ho nahana hore Bakreste ke beng ba ntho tseo tseo ba nang le tsona ke ho nahana se khahlanong le seo Lentsoe la Molimo le se rutang. Molimo, eseng rona, tsohle ke tsa Hae (Jobo 38:4–11). Rona re mpa re le bahiri le bahlokomeli fela (Lev. 25:23), hantle joaloka Baiseraele lefatšeng la pallo. Re itšetlehile ho Molimo le ka phefumoloho ea rona (Liketso 17:25). Seo re nahang hore ke sa rona, ke sa Hae. Re mpa re le liqhoku tsa Hae fela, ka hona re tlameha ho hlokomela ntho tse tšoarehang le tse sa tšoarehang bakeng sa khanya ea Molimo.

**Etsa lethathamo la ntho tseo eleng tsa Molio ho tsoa litemaneng tse latelang: Deutr. 10:14; Lipes. 50:10; 104:16; Ezek. 18:4; Hag. 2:8' 1 Bakor. 6:19, 20. Ke sefe seo litemana tsee li re bolellang sona malebana le kamoo re tlamehang ho nka ntho tseo re nang le tsona?**

---



---



---

“Ntho tsohle ke tsa Molimo. batho ba ka nna ba iphapanyetsa tlhokomeliso ena ea Hae. Leha a ba fa khaphu-khaphu ea mahlohonolo, ba ka sebelisa mpho tsa hae bakeng sa sa ho khotsofatsa litakatso tsa bona; empa ba tla fana ka tlaleho ea boqhoku ba bona qetellong.” — Ellen G. White, *Testimonies for the Church*, vol. 9, leq. 246.

Borui ba tsohle ba Molimo le boqhoku li tlama ho ba le likamano, tse mo lumellang ho re sebelisa ka mokha o re lokisetsang leholimo o tla hlohonolofatsa le ho tsoela molemo ba bang. Empa liqhoku tse sa tšepahaleng li ka thibela monga lintho ho ba le seabo linthong tsa hae. Joalokaha re bone maobane, Molimo ha a qobelle thato ea hae ho rona, o re bopile, A re fa matlotlo lefatšeng mona hore re a hlokomela ho fihlela a khutla. Seo re se etsang ka oona se bontša mofuta oa likamano tseo re nang le tsona le eena.

**Nahana ka se boleloang ka hore, haele hantle, ha ho letho leo eleng la hau nthong tseo u nang le tsona empa ke tsa Molimo. See se tlameha ho u bolellang malebana le kamoo u lokelang ho nka ntho tseo u nang le tsona kateng?**

## Ho Ithuta Haholoanyane:

Boqhoku, ho ea ka kutloisiso ea rona, bo qalile ha Molimo A beha Adama le Eva serapeng se setle sa Edene seo ba neng ba lokela ho se hlokomela le ho se lema (Genese 2:15). Ba ne ba tlameha ho etsa hore serapa sena ho phelehe ho sona tikolohong e ntle ena, eleng mosebetsi o neng o se thata. Molimo O ile a ba fa taelo ena e ncha A ba a ba ruta boikarabello ba bona. Ho hlokomela Edene ho ne ho tla tlisa thabo le ho fana ka moelelo lelapeng lena le lecha. Leetsi la Seheberu bakeng sa “borena” (Genese 1:26, 28) le bolela “ho tlisa tlasa taolo le ho busa.” Taba ena, e ne e filoe kutloisiso ea ho re, eseng ho busa ka lere la tšepe, empa ho hlokomela ka bonolo le mosa tlholeho ea Molimo. boikarabello bona ha bo e so fele. Boikarabellong bona Adama le Eva ba ne ba lokela ho ithuta hore Molimo ke monga tsohle, bona ke bona ke baokameli, kapa liqhoku thepeng ea Hae. Ho tloha qalong, Molimo O ne A entsa hore Adama le Eva ba be le maemo boikarabello le tšepo ena eseng beng ba lintho. Ba ne ba lokela ho bontša Molimo hore b’ a tšepahala mosebetsing ona. “Adama le Eva ba ile ba fuoa serapa sa Edene hore ba se lebele ba ne ba lokela ‘ho se lema le ho se hlokomela.’ Ba ne ba thabetse mosebetsi ona. ‘Mele, pelo, moea le thato li ne li sebelisana hammoho. Ba ne ba sa khathale mosebetsing ona oa bona. Nako ea bona e ne e tletse mosebetsi oa bohlokoa le ho qoqa. Mosebetsi oa bona o ne o le monate. Molimo le Krete ba ne ba ba etela le bona ba qoqa le bona. Ba ne ba fuoe bolokolohi ba ’nete. . . . Molimo e ne e le monga lehae la bona la Edene. Ba ne ba le boloka tlasa Hae.”—Ellen G. White, *Manuscript Releases*, vol. 10, leq. 327.

## Lipotso Tsa Ho Qoqa:

1. Taba ea hore lefatše ke la Molimo e re rutang malebana le boikarabello ba rona ba motheo haho tluoa tikolohong? Leha re tlameha ho qoba polotiki ea ho fetelletsisa lintho ho etsoang ke litsibi tse ling tsa tlhaho tse khumamelang tlhaho ka bo eona, re le Bakreste, re lokela ho nka tikoloho joang mabapi le ho e hlokomela?
2. Tsepamisa maikutlo tabeng ea Molimo e le Molimo “O boulelang.” Hangata ha se taba e bonolo ho e utloisisa, haholo hobane ka kutloisiso ea botho re nka ho boulela e le ntho’e mpe, ele nth’oe tlamehang ho qojoa. Empa, ke joang re ka nkang taba ee kamoo e sebelisoang ho Molimo e se nthoe mpe joaloka ha ho etsoa lefatšeng?
3. Ke joang re ka ithutang ho hlalohanya pakeng tsa tšebeliso e nepahetseng le ho natefeloa ke ntho tse tšoarehang tseo Molimo o li hlotseng le tlhekefetso ea tsona? Ke hobaneng ha phapang ee e le bohlokoa?